

Headline	Warga emas sesat di hutan ditemui selamat		
MediaTitle	Harian Metro		
Date	09 Nov 2017	Color	Full Color
Section	Setempat	Circulation	179,231
Page No	30	Readership	537,693
Language	Malay	ArticleSize	160 cm ²
Journalist	N/A	AdValue	RM 6,303
Frequency	Daily	PR Value	RM 18,909



Warga emas sesat di hutan ditemui selamat

Selayang: Seorang lelaki warga emas ditemui selamat oleh pihak bomba di Hutan Lipur Bukit Lagong, di sini, semalam.

Mangsa, Kanagaratnam Karthigesu, 75, sebelum itu dilaporkan terpisah daripada kumpulannya yang memasuki hutan kelmarin.

Penolong Pengarah Operasi dan Penyelamat Jabatan Bomba dan Penyelamat Selangor Mohd Sani Harul berkata, pihaknya menerima panggilan kecemasan berhubung kehilangan mangsa jam 12 tengah malam semalam.

“Sebaik menerima panggilan itu, 16 anggota

dari Balai Bomba dan Penyelamat Selayang dikerahkan ke lokasi kejadian untuk melakukan operasi mencari dan menyelamat (SAR).

“Mangsa ditemui jam 11.20 pagi semalam di laluan dalam hutan berhampiran persimpangan Institut Penyelidikan Perhutanan Malaysia (FRIM) dan Taman Rimba Kommanwel,” katanya.

“Difahamkan 90 individu termasuk mangsa memasuki hutan terbabit, namun mangsa dilaporkan sesat.

“Mangsa yang cedera ringan dibawa ke Hospital Selayang untuk rawatan lanjut,” katanya.



KANAGARATNAM yang cedera ringan dibawa ke Hospital Selayang untuk rawatan lanjut.